



18. august 2009

UKA 2009/109

Inatsisartut Suleriaasianni § 35 naapertorlugu apeqquteqaat aallaavigalugu oqallisissiaq imaattoq matumuuna saqqummiuppara:

Kulturikkut ilisarineqarnerunissarput anguniarlugu arnanut angutinullu inuiattut assuutitta nunarsuarmi assuutit kusanarneraattut saqqumilaartittarnissaat siuarsarniarlugu inui-attullu assuutinik suliarinnittarnerup ineriartorteqqinnissaat pillugit apeqquteqaat aallaavigalugu oqallinnissamik siunnersuut.

(Inatsisartunut ilaasorta q Ruth Heilmann, Siumut)

Tunngavilersuut:

Nunatta avammut nittarsaanneqarnerani kulturitta torluaaneqarnissaa ilikkartariaqalerparput. Kulturitta immikkuullarissup, nutaaliaasup soqutigintullu atornissaa atorluagassatut isigisariaqalerparput. Taamaaliornitsigut imminut pilersorsinnaassuseq tulluusimaarnerlu annertusissavarput.

Kulturikkut peqaqaagut. Pigisavut ilisimasavullu ulluinnarnilu ileqqutsinnik tunngaviliisuusut nunarsuarmioqatigiinnit assigineqanngitsut perroorutissaraagut nittarsaannerisigut atorluarnerisigullu.

Nunat allat nipilersortartunik, erinarsortartunik, eqqumiitsuliortunik assigisaannillu annertuumik nittarsaassinermi atorluaanermikkut eqqumiitsuliornikkut inuussutissarsiuqarnerup annertuumik aningaasaqarniarnikkut isaatitsissutigisarpaat. Nunatsinni pikkorissorpasuit tapiissutissaanaq aallaaviginagu siunnerfeqarluartunik inuussutissarsiuqarnerup aqutissiuunneqarnissartik pisariaqartippaat. Siumumiit aqutissiuqarnerup kulturip inuussutissarsiuqarnerup allatulli pingaartinneqarluni aningaasaliiffigineqaannarnani allatulli siunertaqarluartunik ingerlanneqarnissaanut. Aamma inuiattut assuutitta nunarsuarmi kusanarnerpaasut atorluarnerisigut.

Inuiattut assuutinik mersortarnek suliarinnittarnek ineriartortinneqartariaqarput: Maannakkut kommunerujussuit 2009-mi pilersinneqarqammerput, suliniutaasullu aallunneqaleruttortut. Ilaat mersortarfitsigut ammerivitsigullu ingerlataqarput ilaatigut ajunngivissunik aammalu annertusarneqarsinnaasunik. Sinerissami sumiiffikkaani piginnaanillit amerlaqaat aamma ilinniartitsisinnaasunik ilaqartunik, taakkulu ilisimasaat atorluarneqassappata ilisimasamik katersuinissaq pisariaqalivippoq, ilaammi utoqqaliarsaalereersimammata. Soorluuna kommunerujussuarni piginnaasat ilisimasallu iluatigalugit ataqtigiissumik ineriartortitseqqinnissaq pisariaqartinneqartoq.

Arnat angutillu assassornikkut ilinniarfiannik pilersitsisoqarnissaa pisariaqarpoq, assuutitta piujuartinneqarnissaat sulilu amerlanerusut taakkunuunatigut suliaqarsinnaalernissaat anguneqassappat, tamanna pisariaqalivissimavoq. Angutit tassani ilaatinneqarnissaat pingaarpoq, ilami ilaqarmata arnatullu assuutit tungaannut suliaqartartunik aammalu soqutiginnittunik.



SIUMUT INATSISARTUNI ILAASORTAATITAT / LANDSTINGSGRUPPEN

Atuarfitsialaap ineriartorteqqinneqarnissaani aamma taamaalilluni ilinniarsimasunik
assassortitsinermik suliaqarsinnaasunik ilisimasaqartunik peqalersinnaanerput aamma
siunnerfigalugulu anguniarneqartariaqartoq isumaqarama.